

帝京景物略

帝京景物畧

卷之二

城東內外

千少保祠

吏部藤花

泡子河

觀象臺

副刻

成國公園

舟駟馬宜園

燈市

曲水園

以上城內

東嶽廟

春塲

三忠祠

刪文通續

徐中小將臺

黃金臺

以上城外

帝京景物畧卷之二

遂安方逢年定

麻城劉侗

修

宛平于奕正

于少保祠

崇文門內東半里有祠曰忠節祀少保兵部尚書于公謙也公一臂一肩定正統己巳之變其被刑西市也爲天順元年九年復官爲成化二年又二十三年賜謚肅愍爲弘治三年又一百一年改謚

忠肅爲萬曆十八年，凡百有三十二年而論定，祠  
三楹，祀公塑像，歲春秋遣太常寺官致祭，按謙

二祖，列宗之社稷臣也。人臣以功名爲富貴資，  
常事而作爲非常，社稷之臣以不變處變。夫英

宗之出狩而復辟也，以社稷。景帝之立也，亦以

社稷。祖宗在上，臣無二心，可曰功在景泰者爲

英宗謀則未忠，功在天順者爲景帝謀則未

忠哉。變攝讓自然之情形，爲奪取反側之狀，而捷

居功徐有貞石亨張輒曹吉祥所爲自求口實者

也。北狩之際侍講徐理妄言占象倡議南遷公痛

哭曰京師天下根本宗廟社稷山陵在焉

足今日動明日事去矣乃決戰守一切出公處分

也先乃沮迺迎歸大駕惟公功莫窮知之

憲廟不能忘之卽徐石張曹可得泯之乎復辟之

先向議南遷者徐理更名有貞復以占象主奪門

議而曰不殺于謙今日之事無名情謂不名以奪

則無功、不殺公、不得實其名奪、一語本色、不覺狀  
公冤矣、李學士賢之言曰、天位、陛下固有、景  
帝不起、羣臣表請復位、何至以奪爲功、上爲悚  
然、西北邊棘、恭順侯吳瑾曰、于謙不處、虜不至此  
上爲悚然、無何、曹石矜功、後先以逆抵法、於斯  
時、公忠且冤、徘徊於英廟胸中也久、憲廟初  
立、遣官祭焉、曰、先帝已知其枉、朕心實憐其忠  
也、景順間人、好措拾新舊、彙暇爲堅功賞、奚有善



處骨肉大臣如公從容言君臣大義兄弟至情當遣奉迎者歟。英廟復辟後二日自爲廷臣言弟好矣。喫粥矣。上喜見眉色而亨等默然。以此仰見宮中孔樂孔懷。則是未嘗奪也。高岱言公失在。景帝易儲不以死爭。李夢陽曰。此留侯不能得之漢高。公能乎哉。是未盡然。方易儲加官而公疏再辭。隱約以示風。社稷臣其道。豈劾債事一言。慷慨自爲地者。景帝不豫。公以學士商諸等。草

疏請立元良，其畧曰：天下者，太祖、太宗之天

下，傳之於宣宗，陛下，宣宗之子。

憲宗御名

宣宗之孫，則是未嘗易也。英廟、憲廟，既心知

公社稷無疆，貞邪無朽，則是未嘗死也。公被刑日

陰，霧翳天，行路嗟嘆。夫人流山海關，夢公曰：吾形

殊而竟不亂，獨日無光明，借汝眼光，見形于皇

帝。翌日，夫人喪其明，會奉天門災。英廟臨視，公

形見火光中。上憫然念其寃，乃詔貸夫人歸。又

夢公還目光，目復明也。公遺骸都督陳遼，密屬瘞藏。繼子冕請塋錢塘祖塋，既得。旨奉匱徙倚市中，見鬻畫者，視之，公像也。因奉以歸。後大司馬王一鶚夢公來，誦一詩，中云：空山青淚憑誰訴，萬里忠魂獨自歸。適傳孟春撫浙，疏請改謚，王乃更謚忠肅。公墓祠在杭之湖上，日旌功，四方祈夢。至者踵接，而答如響。

襄陽鄭繼之于少保祠○太傅立朝初，讜論多了

了。英皇巡朔方，虜騎日倣擾。黃雲阨塞垣，仙仗迷周道。法駕一蒙塵，恣意索金寶。京城既搖動，紛紛議和好。公時贊戎機，決策守陞堡。雄兵扼居庸，鐵馬不能搗。坐令虜計窮，食盡師遂老。翠華果南歸，社稷功非小。功高殺其身，實爲青蠅螬。神衷啓後聖，殊錫達幽渺。反覆靖康事，公業彌皦皦。廟食帝城東，巍峩天人表。

吏部古藤

吳文定公手所植藤在吏部右堂質本蔓生而出  
土便已幹直其引蔓也無躡委之意縱送千尺折  
旋一區方嚴好古如植者之所爲人方夏而花貫  
珠絡瓔每一釐一串下垂碧葉陰中端端向人蒞  
則豆花色則茄花紫光一庭中穆穆閒閒藤不追  
琢而體裁花若簡淡而雋永又如王文恪之稱公  
文也公植藤時維弘治六年距今幾二百年矣望

公逾高以遐，而藤逾深蕪。莆田方公興邦，有古藤  
記刻石藤下。又仁和郎公瑛，秀水李公日華，所記  
禮部儀制司，有優鉢羅花焉。金蓮花也，開必自四  
月八日，至冬而實，如鬼蓮蓬，脫去其衣，中金色，佛  
一尊者，核也。花不知何人植之，而奇以其花。今其  
種不存，亦不更傳。然唐岑嘉州，有優鉢羅花歌，則  
是花東渡久矣。吏部司驛亦藤，無奇者，重以其人  
文定諸所服用，硯石、一竹冠、一竹杖，人間傳寶之。

士尚介尚玄者、或記或銘之。

吳縣徐顯卿題吳文定公朱藤○少宰含香侍

孝宗、當季退食倍從容、五朝遺蹟朱藤老、千載

高風紫蔓重、春至讓榮官、道柳歲寒同、秀禁庭

松、自憐才薄心如木、寤寐明良似可從、○衆芳

爭發照燕臺、得似名卿手自栽、仲甫不如柔蔓

影、山公開引落花杯、頗諳經歲風霜厲、慚荷清

朝雨露培、忽憶東山春事好、薔薇花滿竹籬隈

遂寧呂大器註署古藤花○藤古何季植、歲終自  
見竒、累珠穿紫翠、老幹足丰姿、既有凌霄質、寧  
嫌首夏時、千官長共目、蹊下料無私○彭澤相  
知不、濂溪亦賞耶、誰爲嘉樹植、長傍巨源衙、蒂  
固何辭綴、枝拳不肯奢、自能成緒理、孤月影參  
差、○繁花看不屑、但上九霄開、坐可譚風月、根  
仍殖草萊、應經坡老手、想爲憲之栽、古格非繩  
束、幽光照後來。



慈溪馮元颺觀政吏部同諸進士觀古藤○如何  
天矯者耐此雪霜侵歲月評人久清通托體深  
因材皆帝力不變是臣心莫漫輕孤植居然  
表一林

泡子河

京城貴水泉而尊稱之。聖也。海之矣。頃也。湖之矣。私也。河之矣。崇文門東城角窪然一水。泡子河也。積潦耳。益不可河。而河名。東西亦堤岸。岸亦園亭。堤亦林木。水亦蘆荻。蘆荻下上亦魚鳥。南之岸方家園。張家園。房家園。以房園最。園水多也。北之岸張家園。傅家東西園。以東園最。園水多。園月多也。路迴而石橋橫。平橋而北面焉。中呂公堂。西楊氏。

沁園東玉皇閣水曲通林交加夏秋之際塵亦罕  
至歲中元鬼節放燈亦如水開北去貢院里許春  
秋試者士禱于呂公公告以夢夢隱顯不一而委  
細畢應禍後有物白氣竟丈夜游水面人或見之  
則倒入水作鼓槩聲或曰水掛也

昌平韓四綫雨中飲泡子河○不識雨餘逕肩輿  
渡小乃芳林青隱榭新水綠平橋雲氣難爲醉  
歌聲擬作潮得閒無竟日人靜鳥鶯鶯○往有

水鄉盟、兼旬一、共行、荒雲、淡、逕、小、蘇、堤、寺、門、清、  
有、隊、石、蹲、踞、知、名、花、笑、迎、語、深、酒、茗、寂、坐、聽、鳥、  
更、更、

平湖陸啓法泡子河○不遠市塵外、泓然別有天、  
石橋將盡岸、春雨過平川、雙闕晴分影、千樓夕  
起烟、因河名泡子、悟得海無邊、

長洲文彭夜過呂公祠○祠下水盈盈、秋如此、夜、  
清、爽、從、雲、闕、冷、月、向、酒、杯、傾、問、夢、平、生、足、閒、游、

屢約成、一宵眠白適、明日事還生、

長洲文萃社讀書呂公祠○望望江南在、芳祠綠  
樹遮、苔花侵畫壁、池影動簷牙、衆鳥相譁、綠一  
林過日斜、晚涼橋上坐、月色到蒹葭、

吳縣葛一龍秋夜同武仲宿呂公堂○草木自烟  
鬢、居屢半水周、帝城偏一角、仙路入高秋、月曬  
地霜起、風翻天漢流、如期同襍被、清極夢難游  
華亭汪曆賢訪瞿起周於呂公堂○疎楊不盡覆

寒陂道阻伊人在水湄汀月有情來似夢霜鐘  
無意與成詩。立多幽鳥知相待望處閒僧聽所  
之。余月屬依若指次夕陽雙影過橋時。

麻城劉侗夏日于司直招飲傅氏濯園○隔水寂  
聞絃游人各偶然綠香榆柳夏青動芰荷天鳥  
去鳴深處魚來立影邊三句塵作務得句在君  
前。

大興韓弘達宿傅氏濯園○荷徑入松關溪流作

雨濕鳥聲低帶水。樹影密成山。聞石無人拜荒。  
苔苔客剛夜深歌正切。隣飲莫先還。

同安蔡復一聞六月望立秋集張園翫月時積雨  
新霽○素練隨風展。鮫珠片片虛。金精秋欲盛。  
水氣雨之餘。照葉全窺鳥。翻波半起魚。荷香風  
斷續。杯影亦蕭疎。○積雨夕光暗。月隨行。阻修。  
九分猶是夏。一滿始登秋。全傾素娥笑。新從白  
帝游。徘徊今夜永。渺渺獨予愁。

益都馮可賓題楊氏沁園○帝里開林水、城隅島、  
嶼、分、層、樓、虛、日、月、複、徑、隱、烟、雲、酒、氣、流、中、散、碁、  
聲、岸、靜、聞、微、風、動、荷、葉、珠、露、側、紛、紛、



成國公園

園有三堂，堂皆蔭高柳老榆也。左堂盤松數十科，盤者瘦以矜，幹直以壯，性非盤也。右堂池三四畝，堂後一槐，四五百歲矣，身大于屋半間，頂嵯峨若山，花角榮落，遲不及寒暑之候，下葉已兔目鼠耳。上枝未萌也，綠周上，陰老下矣，其質量重遠，所灌輸然也。數石經橫其下，枝輪脈錯若欲狀槐之根，樹傍有臺，臺東有閣，榆柳夾而營之，中可以射鵝。

園出者其意蒼然園曰適景都人呼十景園也

十七

茶陵李東陽成國公槐樹歌○東平王家足喬木  
中有老槐寒逾綠拔地能穿十丈雲盤空却蔭  
三重屋憶昔前王初宅時高門駟馬相追隨五  
朝恩露簪纓重四世威名草木知世間植物因  
人端培養深根乃天意向月長留宿風窠排霜  
故作蟠虬勢舞袖飛花繞北堂屯陰列戟森成  
行碧隄雨過看新霽紗帽風低坐晚涼古來匠

石須廊廟堂中絲竹應同調。馮異空傳大樹名。  
王公豈待三槐兆。木天老朽舊通家。樹猶如此  
人咨嗟。公家樹老公顏少。長共河山閱歲華。

公安袁宏道適景園小集○一門復一門。牆屏多  
于地。侯家事整嚴。樹亦分行次。益芳種種清。金  
蟻及茉莉。蒼藤蔽檐楣。楚楚干雲勢。竹子于除  
竿。叢稍減青翠。寒士依朱門。索然無偉氣。鶴翎  
片片黃丹。旗榜銀字。緋錦裝文石。翻作青山崇。

兌酒向東籬。頽然索清醉。

吉水劉應秋夏日集成國公山亭○高臺亭于禁  
城東少得浮埃多得空。榆柳尚遭陰洞色。門涂  
直射遠疇風。荒烟莫辨郊原際。夕照歸明宮殿  
中。閣後古槐何嶽嶽。老看山水幾雌雄。

宜興吳彥良重九適景園登高○行吟秋老處。槐  
古閱今人。荒徑亭初址。新畦竹又筠。果成蟲鼠  
歲。霜滿鴈鴨辰。酒殘悲黃葉。婆娑乍覺春。

涼州吳惟英九日社集成國公園○社于秋社日、  
風雅集王畿、高屐隨黃菊、枯吟望白衣、庭空木  
葉下、岫遠薄雲歸、爲愁菜更笑、龍山願不違、

適景園老樹○從來幽砌畔、獨樹老婆娑、蝕幹  
風霜久、蟠根歲月多、閒雲依舊伴、熟鳥鎮常過、  
每至生瞻敬、于嗟先輩歌、

杭州阮泰元適景園看杏花○春明勝集午橋莊、  
紅杏林林綠楊嫩、草平鋪紋捲浪、肩亭宛轉

勢成航艷。迷蜂蝶。羣相亂。老醉榆槐影。亦在。照  
庭。飲。飲。嬌。不。已。斜。風。斜。日。一。林。芳。

宜園

堂室則異而已。幽曲不宜燕張，宏敞不宜著書。垣  
徑也亦異宜。蔽翳不宜信步，晶曠不宜坐愁。丹墀  
馬宜闌，存石大人斲斲，其堂三楹，階墀朗朗，老樹  
森立，學後有臺，而學與樹交蔽其望。臺前有池，仰  
泉于樹林，堂溜也。積潦則水津津，晴定則土。客來  
高會，張樂竟日，卜夜去。眎右一扉而扁，或啓焉，則  
垣故故複，逕故故迂回，入垣一方，假山一座，滿之。

如器承餐。如巾紗中所影頂髻。山前一石數百萬  
碎石結成也。風所結。實爲石。壻所結。礪爲百波所  
結。浮爲石。火所結。灰爲石。石復凝石。其劫代先後  
惡之杳杳。園劍自正德中咸寧侯仇鸞後歸成國  
公朱。今庚歸。石有名。口萬年聚。不知何主人時  
所命名也。

涼州吳惟英九日集宜園。○不須登。馬池館足  
倘。知。否。明。年。健。過。從。九。日。觴。風。竹。徑。雙。雨。



着菊籬香，閣晚移燈看，牙澗澗未長。

再集宜園○客約鄒枚，借名園許共攀，早花須  
着眼。春酒更開顏，烏語藏深樹，雲光黯遠山，分  
題期刻燭，有句倩誰刪。

山陰張學曾九日集宜園○小扉幽徑復游賞幸  
追隨，石自萬年聚，花知九日期，都人方瞿瞿，園  
蝶已窺窺，尚約移尊就，和風莫便吹。

燈市

張燈之始也。漢祀太乙，自昏至明，僧史謂西域臘月晦日，名大神變，燒燈表佛。漢明因之，然數月也。梁簡文有列燈賦，陳後主有山燈詩，亦復未知歲燈何時。月燈何夕也。張燈之始，上元。初唐也。睿宗景雲二季，正月望日，胡人婆陀，請燃千燈，帝御安福門縱觀。上元三夜燈之始，盛唐也。玄宗正月十五前後二夜，金吾弛禁，開市燃燈，永爲式。上元五。

夜燈之始，北宋也。乾德五年，太祖詔曰：朝廷無事，  
奉穀屢登，上元可增十七十八兩夜，上元六夜燈。  
之始，南宋也。理宗淳佑三年，請頒放元宵，自十三  
日起，巷陌橋道皆編竹張燈，而上元十夜燈則始  
我朝。太祖初建南都，盛爲綵樓，招徠天下富商，  
放燈十日，今北都燈市起初入，至十三而盛，迄十  
七乃罷也。燈市者，朝逮夕，而夕逮朝，燈也。市在  
東華門，東亘二里，市之日，省直之商旅，夷蠻閩貊

之珍異。三代八朝之骨董。五等四民之服用物。皆集衢三行市四列。所稱九市開場。貨隨隊分。人不得顧。車不能旋。闔城溢郭。旁流百屋也。市樓南北相向。朱扉繡棟。素壁綠綺。疏其設。毳毼簾幙者。勳家戚家。宦家豪右家。眷屬也。向夕而燈張。燈則燒珠料絲。則夾書堆墨等。紗則五色明角及紙及麥。楷通草。則百花鳥獸蟲魚及走馬等。樂則鼓吹雜耍。絃索鼓吹。則橫律陽。擗東山海青十番雜。

要則隊舞細舞筒子觥斗燈綽燈梯絃索則奎數

小曲數落打碟子其器則胡撥四土兒審失又兒

機等

烟火施放

烟火則以架以盆架高且丈拿層

至五其所藏樣壽帶荷荷架珍珠簾長明塔等

于

斯時也絲竹肉聲不辨拍煞光影五色照人無研

姓烟冒塵籠月不得明謀不得下永樂七年令元

宵節賜百官假十日今市十日賜百官假五日內

臣自秉筆篆近侍朝臣自潤部正外臣自計吏不

得過市，猶古罰幣幕蓋帷意。其他例得與史七輩  
民等過市，樓而簷齊，衢而肩踵接也。市樓價高歲  
則豐，民樂樓一盤。日一夕，賣至數百緡者。童子捶  
鼓，傍夕向曉，日太平鼓。二童子引索，路地如白光  
輪，一童子跳光中，日跳白索。婦女相率宵行，以消  
疾病。日走百病，又日走橋。金元時，三日放偷，偷至  
笑遣之。雖竊至妻女不加罪，夷俗哉。

臨胸馮琦觀燈篇○帝握千秋曆，天開萬國歡。鸞

花周正月。燈火漢長安。長安正月旋璣正。萬戶  
陽春布天令。新歲風光屬上元。中原物力方全  
盛。五部萬寶集燕臺。航海梯山人貢迴。白環銀  
鏡殊方至。青翠明珠萬里來。薄暮千門凝瑞霞。  
當天方月流光移。十二樓臺天不夜。三千世界  
春如海。萬歲山前望翠華。九光燈裏簇明霞。六  
宮盡罷魚龍戲。千炬爭開菡萏花。六宮千炬紛  
相似。星橋直接銀河起。赤帝真乘火德符。玉皇

端拱紅雲裏，燈烟散入五侯家。炊金饌玉鬪  
奢，桂燼蘭膏九微火，珠簾繡幌七香車。長安少  
季喜賓客，馳鷲東城復南陌。百萬縱博輸不辭，  
十千沽酒貧何惜。夜深縱酒復徵歌，歸路曾無  
醉尉訶。六街明月吹笙管，十里香風散綺羅。綺  
羅笙管春加纜，寤簷薜屋寒如舊。誰家朝突靜  
無烟，誰家夜色明於晝。夜夜都城望月新，季季  
郡國告災頻。願將 聖主光明燭，並照 米天桂



海人

三五

儀真倪啓祚燈市篇○律轉太簇春之序北京十  
日燈市聚五劇三條結陣來衆口宣騰祝精羅  
廓市開屢騰稅息一椽一屋稅者密湖羅福絹  
花新樣宣成窰鑄薰舊色地攤棚卓廊兩邊球  
寶犀玉客鱗集故衣斷殘踞賣苦貴至無稅賤  
無直萬錢一樓半日夜戚內侯伯相邀過轎高  
于車快于馬仍以千金裝馬駝金銀錢豆無吝

惜道陪左右，入肩塵。廷尉庭中豪客滿，鞬官門  
下盜雄多。復有少季，溼薄兒禿袖，窄襪隨所之。  
等閒游談無一事，前吻後哨，如有期。東市東曲  
塵絡繹，妖童冶女，鬧街立。兒孩羅羅，鼓太平，搥  
鼓喧闐，無剩隙。俄見日出西山暮，不待月明爭  
點燭。樓上樓下眼光親，簾箔層層作幽曲。簾簾  
炬蠟曜幾里，香烟出樓若霞綺。各家宅眷各家  
郎，互遮互看，疎簾裏。處處歌筵，調部律，離桐寶。

瑟和笙笛，隊伍雜耍，南北腔，東樓巧妙，西無敵。  
檀香板，鴈筋絃，女娃兒，嬌小可憐，教坊教得新。  
雜劇新箱，特地團新季，花炮轟轟，金葉絲，金菊  
葡萄，滿樹梨，好事多方構，奇製高，向作浮屠燈百  
枝，此時見，燈不見市，嘈嘈失聽，聲音碎，狂客使  
酒，呼酒製醉，奴狼藉，當酒時，得意元宵人幾時，  
明月，陰晴，知未知，流品不分，買盡合，燈市元宵  
醉莫辭。

新昌戴九玄燈市○好逐風光東市去，還有月色  
一禁城來，季華最勝惟燈節，帝力于人得酒杯。  
高閣連雲羅綺苑，嬌歌入夜管絃催，綉筵金瓊  
知無分，瘦馬行吟日幾回。

黃梅石昆玉燈市○燈市百貨蒙穹窿，象山山谷波  
浙細舉名，最下亦珠玉，滯城恣意觀，履舄時交  
觸，側肩趁友朋，轉盼遺童僕，樓上樓下人，徒倚  
一自相矚，佻佻白面郎，囊裏金如粟，訪古探瑰奇。

十。僅。償。其。六。爲。君。詔。所。從。原。出。巨。家。積。向。購。此。場。中。而。今。在。此。購。竹。看。市。道。間。何。事。無。翻。覆。

京山鄭友玄燈市○圖書兼錯珍靈蠢非一致車  
馬兼絲肉俚韻非一卷音影浩浩中行思各有  
寄自是王城大歡場藏事事因知曠士懷塵中  
空聽視不然歸路遲明月發我媿

黃岡王廷陳燕京元夕曲○大道朱樓錦繡圍歌  
中萬戶繞春輝樓前火樹燐峒照化作紅雲片

片飛。○香車一一渡星橋。翠袖雙雙引玉簫。但  
訝遊人爭辟易。不知夫婿漢嫫媠。○萬柳千花  
巧自粧。春風吹散綺羅香。誰教月色模糊甚。惱  
殺幽并遊冶郎。

公安袁宏道燈市○一族香飛紫珞塵。六街花粉  
蔽蹄輪。請看樓下呼號者。卽是當季樓上人。  
丹陽賀世壽燈市○水條未破玉河流。春氣先蒸  
市上樓。錦簇花園喧笑語。幾門都尉幾通侯。

吳橋范景文燈市○賜舖長安樂事存千官放假

荷若思紅雲遙望深深處高架鰲山乘玉等

華亭汪曆賢燈市竹枝辭○豐願廣穎出侯門熊

自方井孤白溫聞賜燈棚添絲索千燈焰焰曉

猶存○長安燈市盡連宵游女爭呈馬上發蹋

蹋燈光莫歸去前門釘于玉河橋

嘉興譚貞默燈市○燈幻銀花火幻燈火花飛趁

夜翳翳更清月冷送季少鏡鼓殷闐寶毳繩

麻城劉侗燈市竹枝詞○貂裝鞋馬象裝車不是  
勳家是戚家笑上街樓簾盡捲遊人圍定候琵琶  
○田家歌舞魏家漿○海澱園林茶順香○桃李  
莫分先後種○恩波一片是春光○燈樓絃管欲  
溫人樓下金珠飽殺春○老米青煤明日客○片時  
和哄可憐身○鰲山一搭歲千金○免爭傳此  
玉音○平買市燈歸內裏○明明照見市民心○

長洲楊補燈市竹枝詞○風定晴醺午氣煎○今朝



真箇踏燈天。平添什物三分價。撒盡官兒新俸錢。○皮絃聲裏識椒房。內語伊亞。喝道忙樓上。眼光樓下落。下頭人說上頭強。○須知各省計。借來外職京官雜秀才。五日假恩中旨出閣門。只有相公開。○特許磨着侍中璫。簇簇燈光背。月光多少。茂家花半臂。圓箏打碟舞。割當。

順天劉效祖燈市詞。○侯伯皇親盡夜歡。錦衣走馬。繡鞵鞍。千金已自懸燈火。更向誰家席上看。

○誰家閨女路傍啼、向人說住大街西、纔隨老  
老橋邊過、看放花兒、忽失迷、

臨淮趙符庚燈市詞○鄉裏兒女十八春、描眉畫  
額、點紅唇、燈前忽遇城中女、笑指明粧不可人、  
○元夜誰家燈最多、五侯七貴席燒峨、千金不  
慣招他客、獨據中堂醉綺羅、

山陰王應遶長安燈市○千官休沐逐良期、不見  
牙牌挂阿誰、聞說昔年三學士、召來殿上撰燈

詞。○珍饌高擎出大官，狐裘貂帽跨金鞍。公侯  
自享天來福，噴噴遊人駐足看。○星毬蓮炬半  
空懸，火噴梨花罩酒筵。莫道米珠薪桂地，誰人  
肯惜買燈錢。○跳索迷藏拽伴遊，太平鼓打鬧  
街頭，銅錢搜出爹娘袖。要買花燈滾地毬。○哥  
窰倭漆載盈車，沽客胡兒莫自誇。寶玩  
原不好，故令結市在東華。

海鹽徐穎長安燈市詞。○東掖門東燈市開，千官

萬姓此塵灰，悔不多錢買身貴。鞍籠喝道下驢  
來。○俸祿新闌足，酒存官員五日假。恩開小瑤  
帽上珠，無價自說承恩。賜得來。

吳縣王穉登十三日看燈市。○瑞氣與人爛紛紛。  
俠少季花，過樓外看燈。出市中懸絃管，筵難辨。  
呼號肆不憐，可知愛惜月。趁未十分圓。

孟津王鐸燈市同傅佑君許朗菴飲。○春城真不  
夜。來醉酒人家。月照千門雪，星開萬井花。龍圍

噴火急。熬路戴山斜。別有金張。絳笙歌。簇寶華。  
萊陽宋。攻燈夜。○隊擁銀紅簇。媚媚月不勻。澹濃  
皆在夜。衣履已多春。耳日藏千事。性情歸一人。  
昨塵隨火住。橋畔是天津。

公安袁彭季燈市喜逢譚梁生兄弟○良友天涯  
未易尋。相聞各自附知音。卻因鼎沸笙歌地。忽  
對絃中山木心。璧瑰陳來民力見。花燈暗處

主夏深。時有。旨禁花炮。偶遊默悟乘除理。春

入水凌可自今。

慈谿馮元颺壬戌燈市○曾傳宮裏奏雲門今夕  
還看花事繁城月欲隨旌旗暗邊聲遲帶鼓吹  
喧時有虜警廟堂自肅金吾禁綺裏猶傾栢葉  
尊紫背衝寒游未罷幾回低首憶開元。

內江范文英燈市○爭說看燈市裏忙行來片片  
錦珠光長安白晝迷人眼不見燈場見市場。

江都梁于溪燈市○霜華月彩琉璃瓦千影萬影

燈光下，自出自游，各女即叢叢自喚，街前馬籠  
鈴，喝道：金吾來，踏踵挨肩，誰走開，半隱街燈頭  
換曲，慙做不肯下樓臺。

曲水園

駙馬萬公曲水家園新寧遠伯之故園也。燕不饒水與竹而園饒之。水以汲灌善淳焉。澄且鮮。府第東入石牆一遺徑。迢迢皆竹。竹盡而西。迢迢皆水。曲廊與水而曲。東則亭。西則臺。水其中央。濱水又廊。廊一再曲。臨水又臺。臺與室間。松化石。攸在也。木而化歟。聞松栢槐柳榆楓焉。間化矣。木尚半焉。化石非其化也。木歸土而結石也。松千歲爲茯苓。



茯苓土之屬也。又千歲爲琥珀。又千歲爲鑿。琥珀  
其鑿石之屬也。夫石亦有形似不可以化言之。洞  
鑿中有禽若獸若者矣。可謂之物化乎。古丈夫仙  
佛石者矣。人天化乎。樓若城若塔若者矣。人所構  
造以化乎。然石形也。松曰松化石形性乃見。庸而  
鑿實而斡根。舉曲而株婆娑。匪松實化之。不至此  
涼州吳惟英冬日萬仲晦曲水園看菊○季來花  
事約全乖。看菊何期。今暫借曲水一方。臨瘦影。

秋、容、強、半、摧、開、嶺、客、能、冒、雨、鱗、如、昨、色、卽、經、霜、  
尚、自、佳、怪、底、有、松、還、化、石、肯、將、土、木、委、形、骸、

東嶽廟

廟在朝陽門外二里。元延祐中，建以祀東嶽天齊仁聖帝。殿宇廓然，而士女瞻禮者，月朔望，日晨至。左右門無閒闕，座前拜席爲煥，化楮錢鑪，火相及，無暫熄。帝像巍巍然，有帝王之度，其侍從像，乃若憂深思遠者。相傳元昭文館學士，藝元手製也。元寶坻人，初爲黃冠，師事青州把道錄，得其塑土範，金搏換像法，搏換者，沒帛土偶上而髹之，已而去。

其土髹帛儼成像云。始元欲作侍臣像，久之未成。手適閱秘書圖畫，見唐魏徵像，矍然曰：「得之矣！」若此，莫稱爲相臣，遽走廟中爲之，即日成。今禮像者，仰瞻周肱，一一歎異焉。元仁宗嘗勅元，非有旨不許爲人造他神像也。殿前豐碑三：趙孟頫楷書一，孟頫弟世延楷書一，虞集隸書一，正統中益拓其宇，兩廡設地獄七十二司，後設帝妃行宮，宮中侍者十百，或身乳保，領兒嬰以嬉，或治其妃籽館。

奉匱櫛爲妃裝。織織縫裳。司妃之六服也。宮二浴盆。受水數十石。道士贊洗目。無目諸疾。入者輒洗。帝妃前懸一金錢。道士贊中者得子。入者輒投以錢。不中不止。中者喜益不止。磬所攜以出。三月廿八日。帝誕辰。都人陳鼓樂。旌幟樓閣亭彩。尊仁聖帝遊。帝之遊所經。婦女滿樓。士商滿坊。肆行者滿路。駢觀之。帝遊聿歸。導者取醉松林。晚乃歸。

春場

東直門外五里爲春場。場內春亭，萬曆癸巳，府尹謝杰建也。故事，先春一日，大京兆迎春，旗幟前導。次田家樂，次勾芒神，亭次春牛臺，次縣正佐耆老，學師儒，府上下衙皆騎，丞尹與官皆衣朱簪花，迎春自場入于府。是日，塑小春牛芒神，以京兆生兒入朝進。皇上春進，中宮春進，皇子春畢，百官朝服賀立春候，府縣官吏具公服禮勾芒，各

以綵仗、鞭牛者三，勸耕也。退各以綵仗贈貽所知。  
按造牛芒法：日短至辰日，取土木于歲德之方，  
木以桑柘，身尾高下之度，以歲八節四季日，在  
二時踏川府門之扇左右，以歲陰陽。牛口張合，是  
左右繳芒立左右，亦以歲陰陽。以歲干支爲首之  
五行，三者色爲頭身腹色。日三者色爲角耳尾爲  
附，附爲蹄色。以日支孟仲季爲籠之索，柳鞭之結。  
子之麻苧絲，牛鼻中木曰拘，春子桑柘爲之，以正。

月中宮色爲其色也。芒神服色以日支受尅者爲之。尅所尅者其繫色也。歲孟仲季其老壯少也。春立旦前後五日中者是農忙也。過前農早忙過後農晚閒也。而神並乎牛前後乎牛分之。以時之卯後八日煥亥後四日寒爲罨耳之提且戴以日納首爲髻平梳之頂耳前後爲鞋袴行纏之懸著有無也。田家樂者二荆籠上着紙泥鬼荆頭也。又五六長竿竿頭縛髀如瓜狀見僧則搖使避匿不令



見牛芒也。又牛臺上花繡衣帽扮四直功曹立而  
兒童瓦石擊之者。樂工四人也。攷漢郊祀志。迎春  
祭青帝。勾芒。青車旗服。歌青陽。舞雲翹。立青幡。百  
官衣皆青。郡國縣官。下至今。史服青幘。今者朱衣。  
唐制。立春日。則官御史長貳以上。賜春羅幡勝。宰  
臣親王近臣。賜金銀幡勝。入賀。帶歸私第。民間剪  
綵爲春幡。簪首。今惟元旦日。小民以絲穿烏金紙。  
畫絲爲鬧蛾。簪之。○正月元旦。五鼓時。不卧而寤。

嚏則急起，或不及衣，曰卧寤者病也，不卧而語言，或戶外呼，則不應，曰呼者鬼也，臥與亂漱，啖黍糕，曰季季糕，家長少畢拜，嫗友投箋互拜，曰拜季也，燒香東嶽廟，賽放炮杖，紙且寸，東之琉璃版店，西之白塔寺，賣琉璃瓶，盛朱魚，轉側其影，小大俄忽，別有啣而噓吸者，大聲唼唼，小聲啾啾，曰倒掖氣，旦至三日，男女于白塔寺繞塔，旦至晦日，家家竿標樓閣，松栢枝蔭之，夜燈之，曰天燈，是月也，女婦

閒手五九。且擲。且拾。且承。曰。瓜子兒。九用象木銀  
礫爲之。競以輕捷。八日至十八日。集東華門外。曰  
燈市。貴賤相逐。貧富相易。買人物齊矣。婦女着白  
綾衫。隊而宵行。謂無腰腿諸疾。曰。歪橋。至城各門  
手脂。謂男子解。曰。摸釘兒。擊太平鼓。無昏曉。  
既百索。無稚壯。戴面具。耍大頭和尚。聚觀無男女。  
有以詩隱物。恍於寺觀壁者。曰。尚燈。立想而漫射  
之。無靈蠢。十一日至十六日。鄉村人。縛秫。稽作棚。

周懸雜燈地廣二畝門逕曲黠藏三四里入者誤  
不得逕卽久迷不出曰黃河九曲燈也十三日家  
以小錢一百八枚夜燈之徧散井竈門戶砧石曰  
散燈也其聚如螢散如星富者燈四夕貧者燈一  
次止又甚貧者無燈小兒其以繩繫一兒腰牽焉  
相距尋丈送于不意中奉之以去曰打鬼不得爲  
繫者兒所執執者則然其捉代繫曰替鬼更繫更  
擊更執更代終日擊不爲代則佻巧矣又繩以爲

城一兒帕蒙以摸、一兒執敲城中、輒敲一聲、而輒  
易其地以誤之。爲摸者得、則蒙執敲兒、曰摸蝦兒、  
望前後夜、婦女束草人、紙粉面、首帕衫裙、號稱姑  
娘、兩童女掖之、祝以馬糞、打鼓歌、馬糞、薙歌、三祝、  
神則躍躍、拜不已者、休、倒不起、乃咎也。男子衝而  
仆、十九日、集白雲觀、曰耍糞丸、彈射走馬焉。廿五  
日、大啖餅餌、曰填倉。○二月二日、曰龍撻頭、煎元  
旦祭餘餅、薰牀炕、曰燠蟲兒、謂引龍蟲不出也。燕

少蜈蚣而蠟其爲毒倍焉。少蚊而蠟其爲擾倍焉。蚤。虱。之。屬。臭。蟲。又。倍。焉。所。苦。尤。在。編。戶。雖。預。薰。之。實。未。之。有。除。也。小。兒。以。木。二。寸。製。如。棗。核。置。地。而。棒。之。一。擊。令。起。隨。一。擊。令。遠。以。近。爲。負。曰。打。枝。枝。古。所。稱。擊。壤。者。耶。其。謠。云。楊。柳。兒。活。抽。陀。螺。楊。柳。兒。青。放。空。鐘。楊。柳。兒。灰。踢。毬。子。楊。柳。發。芽。兒。打。枝。兒。空。鐘。者。剝。木。中。空。旁。口。盪。以。瀝。青。卓。地。如。仰。鐘。而。柄。其。上。之。平。別。一。繩。繞。其。柄。別。一。竹。尺。有。孔。度。

其繩而抵格空鐘。繩勒右却。竹勒左却。一勒空鐘。轟而疾轉。大者聲鐘。小亦咕蜩飛聲。一鐘聲歇時。乃已。製徑寸。至八九寸。其放之一人。至三人。陀螺者。木製如小空鐘。中實而無柄。繞以鞭之繩。而無竹尺。卓于地。急掣其鞭。一掣陀螺則轉。無聲也。視其緩而鞭之。轉轉無復住。轉之疾。正如卓立地上。頂光旋旋。影不動也。○三月清明日。男女掃墓。擔提尊檮。騎馬後掛楮鏡。粲粲然滿道也。拜者。酌者。

哭者爲墓除草添土者。焚楮鏡次。以紙錢置墳頭。  
望中無紙錢。則孤墳矣。哭罷不歸也。趨芳樹。擇園  
圃。列坐盡醉。有歌者。哭笑無端。哀往而樂回也。是  
日簪柳。遊高粱橋。日踏青。多四方客未歸者。祭掃  
日。感念出游。廿八日。東嶽仁聖帝誕。傾城趨齊化  
門。鼓樂旗幢爲祝。觀者夾路。是月。小兒以錢泥夾  
穿而乾之。剔錢泥片片錢狀。字幕備具。曰泥錢。畫  
爲方城。兒置一泥錢城中。日卯。兒拈一泥錢遠擲。



之曰撤。出城則負中則勝。不中而指杈相及亦勝。指不及而猶城中則撤者爲卯。其勝負也以泥錢。別有批用葦細川指者與撤畧同。有撤用泥丸者與錢畧同。而其畫城廓遠。○四月一日至十八日。隨城趨馬駒橋。管樂之盛。一如嶽廟。碧霞元君誕也。立夏日。啓冰。賜文武大臣。編氓得賣買。手二銅盞。盞之。其聲磴磴。口水盞。冰着濕乃消。畏陰雨天。以綿衣蓋護。煥乃不消。八月。捨豆兒。日結緣。十八

日亦捨。先是拈豆念佛。一豆佛號一聲。有念豆至石者。至日熟豆。人徧捨之。其人亦一念佛。啖一豆也。凡婦不見答於夫。姑婉若者。婢妾損於主及姥者。則自咎曰。身前世不捨豆兒。不結得人緣也。是日。要戒壇。游香山玉泉。茶酒棚。妓棚。周山灣。濁曲。聞初說戒者。先令僧了願如是。今不說戒百季。而季則一了願。是月榆初錢。麩和糖蒸食之。曰榆錢糕。○五月。一日至五日。家家妍飾。小閨女簪以榴

花日女兒節五日之午前羣入天壇日避毒也遇  
午出走馬壇之墻下無江城繫絲投角黍俗而亦  
爲角黍無競渡俗亦競游夏南則耍金魚池西耍  
高粱橋東松林北清井爲地不同飲醪熙游也同  
大醫院官旗物鼓吹赴南海子捉蝦蟆取蟾酥也  
其法針黍葉刺蟾之背間漿射葉上以蔽人目不  
令傷也漬酒以菖蒲插門以艾塗耳鼻以雄黃日  
避蟲毒家各懸五雷符簪佩各小紙符簪或五毒

五瑞花草、項各綵繫、垂金錫、若錢者、若鎖者、曰端  
午索、十三日、進刀、馬於關帝廟、刀以鐵、其重以入  
十觔、紙馬高二丈、鞍轡紺文、善銜金色、旗鼓頭踏  
導之、○六月六日、曬髮、駕民間亦曬其衣物、老儒  
破書、貧女敝縵、反覆勤日光、晡乃收、三伏日洗象  
錦衣衛官、以旗鼓迎象出順承門、浴響闌象次第  
入于河也、則蒼山之額也、額耳昂同、鼻舒糾吸噓  
出水面、矯矯有蛟龍之勢、象奴挽索據脊、時時出

沒其髻。觀者兩岸各萬衆。面首如鱗。次貝編焉。然浴之不能須臾。象奴輒調御令起。云浴久則相雌雄。相雌雄則狂。○七月七日之午。丟巧針。婦女曝盜水日中。頃之。水膜生面。緇鍼投之。則浮。則看水底鍼影。有成雲物。花頭鳥獸影者。有成鞋及剪刀。水茄影者。謂乞得巧。其影粗如槌。細如絲。直如軸。蠟。此拙徵矣。婦或歎。女有泣者。十五日。諸寺建盂蘭盆會。夜于水次放燈。曰放河燈。最勝水關。次泡

子河也。上墳如清明時。或製小袋以往。祭甫訖。輒于墓次。搗促織。滿袋則喜。林竿肩之以歸。是月始聞促織。壯夫士人亦爲之。闔有塲。塲有主者。其養之又。有師。闔盆筒礮。無家不貯焉。立秋日。相戒不飲生水。曰啣秋頭水。生暑癘子。○八月十五日。祭月。其祭果餅必圓。分仄。必牙錯。鐫刻之。如蓮華。紙肆。市月光紙。績滿月像。趺坐蓮華者。月光徧照菩薩也。華下月輪桂殿。有兔杵而人立。搗藥臼中。紙

小者三寸、大者丈、織工者金碧纈紛、家設月光位、  
于月所出方、向月俱而拜、則焚月光紙、徹所供、散  
家之人必遍、月餅、月果、戚屬餽相報、餅有徑二尺  
者、女歸寧、是日必返其夫家、曰團圓節也。○九月  
九日、載酒具、茶、饌、食、糕、曰登高、香山、諸山、高山也、  
法藏寺、高塔也、顯靈宮、報國寺、高閣也、釋不登、賃  
園亭、闌坊、曲爲娛耳、麩餅、種棗、栗其面、星星然、曰  
花糕、糕、標紙、綵旗、口花糕、旗、父母家、必迎女來

食花糕。或不得迎。母則誦女則怨。託小妹則泣。望其姊妹。亦曰女兒節。○十月一日。紙肆裁紙五色。作男女衣。長尺有咫。曰寒衣。有疏印緘。識其姓字。輩行。如寄書然。家家修具。夜莫呼而焚之。其門曰送寒衣。新喪白紙爲之。曰新鬼不敢衣絲也。送白衣者。哭。女聲十九。男聲十一。是月羊始市。兒取羊後脰之。膝之。輪骨曰貝石。置一而一擲之。置者不動。擲之不過。置者乃擲。置者若動。擲之而過。勝負。



以生。其骨輪四面兩端曰真。凸曰詭。勾曰騷。輪  
曰背。立曰頂。骨律其頂。歧亦曰真。平亦曰詭。蓋真  
勝。詭負。而騷背開。頂平再勝。頂歧三勝也。其勝負  
也以貝石。○十一月冬至日。百官賀冬。畢吉服三  
日。具紅箋互拜。朱衣交于衢。一如元旦。民間不爾。  
惟婦製履。寫上其舅姑。日冬至。畫素梅一枝。爲辨  
八十有一。日染一辨。辨盡而九九出。則春深矣。日  
九九消寒圖。有直作圈九叢叢九圈者。刻而市之。

附以九九之歌。述其寒煥之候。歌曰。一九二九。相  
煥不出手。三九二十七。籬頭吹觱篥。四九三十六。  
夜眠如露宿。五九四十五。家家堆鹽虎。六九五十  
四。口中咽暖氣。七九六十三。行人把衣單。八九七  
十二。猶狗尋陰地。九九八十一。竊漢受罪畢。纔要  
伸脚睡。蚊蟲蟻蚤出。○十二月。一日至歲除夜。小  
民爲疾苦者。奉香一尺。宵行衢中。誦元君號。自述  
香願。其聲烏烏。側側。日號。佛行過井。過寺廟。則跪

且拜而誦香盞入乃歸入日先期鑿水方尺至日  
納米窖中鑑深二丈水以入則固之封如阜內水  
啓米中消爲政凡蕪菱果入春而市者附蕪焉泔  
乎米者啓之如初摘于樹離乎米則化如泥其窖  
在安定門及崇文門外是日家效菴寺豆果糴米  
爲粥供而朝食曰臘八粥廿四日以糖劑餅黍糕  
棗栗胡桃炒豆祀竈君以糟草秣竈君馮謂竈君  
翌日朝天去白家問一歲事祝曰好多說不好少

說記稱竈老婦之祭。今男子祭。禁不令婦女見之。  
祀餘糖果。禁幼女不令得啖。曰啖竈餘。則食肥膩。  
時。口罔黑也。廿五以五更焚香楮。接玉皇。曰玉皇  
下查人間也。竟此以無婦。姬詈聲。三十日。五更。又  
焚香楮送迎。送玉皇。上界矣。迎新竈君下界矣。插  
芝蔴。稽于門簷。廳臺。曰藏鬼楮中。不令出也。門廳  
貼紅紙葫蘆。曰收瘟鬼。夜以松栢枝雜柴。燎院中。  
曰燒松盆。楯歲也。懸先亡影像。祀以獅仙斗糖蔴。

花儼枝、染五色葦架竹罩陳之、家長幼畢拜、已各自拜、曰辭歲、已聚坐、食飲、曰守歲、是月小兒及賤蒿人、以二石毬置前、先一人踢、一令遠、一人隨踢、其一再踢而及之、而中之爲勝、一踢卽着焉、卽過其黃、再踢不及者、同爲負也、再踢而過焉、則讓先一人隨踢之、其法初爲趾踵苦寒、設今遂川賭、如博然、有司申禁之、不止也、○凡歲時不雨、家貼龍王神馬于門、磁瓶插柳枝掛門之傍、小兒塑泥龍、

張紙旗、擊鼓、金、焚香、各龍王廟、羣歌曰、青龍頭、白

龍尾、聲作以小孩求雨天歡喜、麥于麥十集、黃起、

動起、動龍王、大下小下、初一下到十八、聲作已摩

訶薩、初雨、小兒羣喜而歌、曰、風來了、雨來了、禾場

背了、穀、聲作古來了、雨久、以白紙作婦人首、剪紅

綠紙衣之、以茗帚苗、縛小帚、令攜之、竿懸簷際、曰

掃晴娘、日月蝕、寺觀擊鐘鼓、家擊盆盎、銅鏡、救日

月、聲嘈嘈、屯屯、滿城中、蝕之刻、不飲不食、曰、生噎

食病。幼見見新月。日月芽兒。卽拜篤篤。祝乃歌曰。  
月月。拜三拜。休教兒生疥。小兒遺溺者。夜向參  
星叩首。曰。參兒辰兒。可憐溺牀人兒。見流火。則唾  
之。曰。賊星。夜不以小兒女衣。置星月下。曰。女怕花  
星。照兒怕賊星。照亦不置洗濯餘水。爲夜遊神飲  
馬也。曰。不當價。如吳語云。罪過。

初聞雷。則抖衣。曰。  
蚤虱不生。見霓曰紅。戒莫指。謂生指。順齋曰。惡指  
也。初雪。戒不入口。口毒。再雪。則以炮茶。積雪。以壘

于庭燕舊有風鳶戲俗曰燕兒今已禁風則割秫

楷二寸、錯互貼方紙、其兩端紙各紅綠、中孔、以細  
竹橫安秫竿上、迎風張而疾趨、則轉如箭、紅綠渾  
渾如景、曰風車、

蕭山來立模迎春曲六章章六句○春言午其耳  
濕濕京師之野萬民悅懌乃立臯門無反無側  
○春有杖其朱孔揚自天子所以伐遠揚豐季  
穰穰千萬斯箱○有神勾芒爾牧來思髮彼兩



髦、帶、則、有、餘、我、黍、與、與、振、古、如、茲、○、有、慶、功、曾、  
黃、裳、楚、楚、有、篇、斯、石、屈、此、羣、醜、無、小、無、大、厥、聲、  
載、路、○、有、田、家、樂、烝、然、罩、罩、田、祖、有、神、載、色、載、  
笑、勿、以、爲、笑、有、相、之、道、○、有、尹、有、師、其、儀、不、忒、  
惠、此、京、師、雨、暘、時、若、赫、赫、師、尹、福、爲、萬、德、

信陽周復元迎春曲○淑氣晴光萬戶偏、芊綿草  
色尤蓬萊、林阜百鳥聲相和、宮闈五雲相回  
東風獵獵赤旗止、金甲神人逐隊起、羣公吉服

迎勾芒、解人難、衣驅祟鬼、豹虎竿頭、御河柳、遊  
絲蕩漾、爲求友、春勝春、蛾闌五、羨思光、暗人誰  
先有、

桃源江盈科都門早春○東風漸次布青陽、龍過、  
搔頭、蠶不、藏、木出、御河、凝、鳴、綠、柳、搖、金、屋、變、鸞、  
黃、中、官、走、馬、珠、爲、勒、艷、女、尋、花、錦、作、裝、自、笑、宦、  
閒、無、一、事、經、旬、攜、酒、爲、春、忙、○春、色、輝、輝、遍、九、  
衢、物、華、人、事、眼、中、殊、魚、從、冰、裏、融、來、活、鳥、向、枝、

頭、眼、處、呼、走、馬、燕、丘、遊、客、聚、戴、花、繞、塔、女、郎、趨、  
爭、傳、滿、井、風、光、好、無、數、青、絲、絡、玉、壺、○舊、鎬、新、  
豐、總、不、勝、京、華、樂、事、巧、層、層、五、方、裝、束、隨、人、出、  
到、處、樓、臺、任、意、登、墮、珥、遺、簪、遊、女、醉、呼、鷄、鬪、狗、  
市、兒、能、金、吾、道、說、新、季、例、魚、鑰、通、宵、下、未、曾、○  
無、家、無、夕、不、傳、觴、玉、燭、銀、燈、徹、夜、典、按、節、管、絃、  
嬌、鳥、語、踏、春、兒、文、密、蜂、房、深、困、抵、子、開、家、計、平、  
地、空、鐘、趁、艷、陽、總、爲、君、王、休、物、力、儀、寒、從、未、到、

街坊。

元旦作○東風剪剪掃人低，巧撰春聯戶戶齊。  
投刺依然驅瘦馬，趨朝慎自聽晨雞。囊貧有客  
纔餘酒，鱗熟從隣旋乞醯。即舍蕭條林壑似，古  
槐枝上鶉鴉啼。

京師元宵○元夜京華煖氣融，華鎗閃閃萬家  
同。穿珠綴玉星攢月，剪綺裁羅碧間紅。戚里香  
車塵拔地，侯家烟火焰連空。都人盛說先宣德。

許看鰲山近禁中。

長洲揚補長安迎季鼓曲○團鼓團鼓春月淨索  
絡連錢鐵輪柄。粲粲兒女手腕輕。一槌兩槌臂  
爲政。意中有曲無知之。抖肩拈踵不自持。恣風  
簷雨急春暮。歷亂老鶴彈枯枝。聲先聲後聞噍  
殺。金氣入聲秋。憂憂九衢烟霧六街泥。點破羈  
羸馬蹄。聒耳熱心寒。避不得。坐憶江梅舊消息。  
城西山雪城裏白。兒女鼓聲帝也力。

江陵張居正元夕行○今夕何夕春燈明燕京女  
兒踏月行燈搖珠彩張華屋月散瑤光滿禁城  
禁城迢迢通戚里九衢萬戶燈光裏花怯春寒  
帶火開馬衝香霧連雲起絃管紛紛夾道傍遊  
人何處不相將花邊露洗雕鞍濕陌上風迴珠  
翠香花邊陌上烟雲滿月落城頭人未返其道  
金吾此夜寬但愁玉漏春宵短御溝楊柳拂銅  
駝柳外樓臺雜笑歌五陵豪貴應難擬一夜歡

娛奈樂何、季光死轉不相待、過眼繁華空自愛、  
君不見、燕臺同時歌舞人、歌舞不聞明月在、

長洲文肇社元夕篇○長安今夕是元夕、皇都佳  
麗無殊昔、昔時曾到蓬萊宮、龍光鳳炬光千尺、  
千尺光凝結、綵樓鰲山重、疊雲烟、收烟收明月、  
正當頭、仙籙燃燈夜、道周、遙瞻天子六龍馭、五  
色雲車擁高處、高處離宮別館開、翠蓋鸞輿繡  
幃御、出向天街紫陌長、王侯第宅闢新妝、新妝

初罷踏明月，蕙火蘭煙滿路旁。路旁許史金張宅，銀燭高烧邀上客。上客詞成鸚鵡篇，鳴金伐鼓開華席。歡歌未已夜將闌，星斗橫斜禁漏殘。傳乎行，辟侯朝者聯鑣玉佩聲珊珊。

宅州薛蕙元夕篇○皇都佳麗地，春日覽陽季。其愛元宵好，爭歌明月篇。元宵明月滿蓬萊，春色先從上苑來。千門宛轉銀屏隔，萬戶參差金鎖開。千門萬戶連雙闕，絲女新粧踏明月。映牖窺



意態轉多含嬌、疑睇情無歇、正逢春日愛芳華、  
復值春宵縱舞衣、燈光斜照珊瑚枕、香氣空薰  
雲母屏、此時天子盛遊遊、離宮別館足風流、纔  
開鳳島開燈架、更起鰲山結綵樓、綵樓巖嶂鰲  
山側、復道交衢對南陌、萬燭翻疑白日光、千燈  
御亂春星色、春星暗寫迷烟霧、仙樂分明見天  
路、空裏翻翻翠蓋飛、雲中冉冉鸞輿度、翠蓋鸞  
輿千萬騎、伐鼓縱金鼓、天地御杖層層錦綉圍、

廣場隊隊魚龍戲，就中別有王侯客。三三五五  
長安陌，夜夜經過許史家。朝朝遊戲金張宅，金  
張許史關驕奢。金燈玉帶剪金沙，鴛鴦比翼玳  
瑰樹，翡翠雙栖菡萏花。龍膏鳳炬列千行，蕙火  
蘭烟百合香。月華照耀琉璃障，霧影氤氳玳瑁  
梁。可憐豪侈誰能似，可憐行樂心無已。曲罷頻  
移歌舞筵，醉後重游燈火市。月市星衢遊未徧，  
東城南陌時相見。妖童繡勒五花馬，媚女銀車

九華扇妖童倡女繁華子，雙去雙來帝城裏。粉  
色偏從月下明，衣香故向風前起。調笑行歌歡  
未闌，浮影流光夜遽殘。朝來試過狹邪路，墮甕  
飄花那忍看。

吳江周用走百病行○都城燈市春，頭盛去寒小  
家同節令。姨姨老老領小姑，攬忍梳粧走百病。  
俗言此夜鬼穴空，百病盡歸塵土中。不然今年  
且多病，臂枯眼暗偏頭風。踏穿街頭雙繡履，勝

飲醫方二鍾水。誰家老婦不出門，折足躑躅曲  
房裏。今季走健如去季，更乞明季天有緣。斬州  
艾葉一寸火，只向他人肉上燃。

斬州張宿走百病。○白綾衫照月光，殊走過橋來。  
百病無，再過前門釘觸手，一行直得一季娛。

蒙陰公齋都城元宵曲。○燈市東頭近，狹那錦屏  
珠箔玉人家。歌郎莫唱迎春曲，俊墮傍邊挿杏  
花。○白恰裁衫玉滿頭，短簪髻髻學蘇州。又傳

新樣江南曲，縱是愁人不解愁。

黃陂蔡士吉元宵曲○即莫看燈去走橋，白綾衫  
筆撒嬌嬌走來兒，怕雙纖趾不走兒愁，一捻  
○姨兒矜子此門誰問着前門，佯不知籠手觸  
門心暗喜，即邊不說得釘兒。

崑山周倫天燈○入雲朱表掛春燈，月月星星破  
晦冥，遊徑有人籠短蠟，照書曾說聚多螢，郊原  
隣燹何季色。菴寺琉璃北夜心，漏斷六街人跡

靜北牕猶伴讀遺經。

長淵吳寬戊寅燕九日○京師勝日稱燕九少幸  
盡向城西走白雲觀前作大會射箭擊毬入馬  
吼古祠北與學宮依。簫鼓不來牲醴稀。如何義  
士文履善。不及道人丘處機。

歙縣潘之恒白雲觀紀所見○燕市重逢燕九春  
遊載選春朝寒城旭日初麗暖閣微陽欲驕公  
子高攀錦幃侍中齊插金貂書傳海外青鳥箭

落風前皂隴，翟弗烟塵驟合。馬蹄冰雪全消，張  
羅釋兔求知，投博呼盧得梟。劍說荆卿七首，舞  
憐蠻女織腰。鬧蛾人勝爭帖，怖鴿天花亂飄。臺  
上試聽簫史，峯頭方駕王喬。寶幢星斗斜掛，仙  
樂雲環伴鼓。高輜少季任俠，留棧大道自邀。寄  
言饒社豪舉，莫笑春光不饒。

華亭宋懋澄清明曲○人記鬼記清明字，借鏡酒  
榼傾坡出。生人情道人致，墳頭紙片兒孫淚。兒

孫淑罷花前醉。花不閒鬼當飯。

麻城劉侗楊柳活。○楊柳活楊柳多。小孩小女閒。  
不過絲線結。鞭鞭陀羅。鞭陀羅。陀羅起。陀羅起。  
鞭不巳。鞭不巳。陀羅死。

楊柳青。○楊柳青兒手空。鐘不暫停。空鐘空鐘。  
舒而遠聽。如蛭蟻起。未觸于屏。簫垂笛橫。絲絃。  
合併。大人爲政。小兒無此耐煩性。

倒掖器。○倒掖器。如甌落階。瓶倒水。勺勺呼吸。



吹薄紙。吸少呼多。脫瓶底。藏爹錢。瞞爹眼裏。迷  
糊。琉璃。做餉子。兒迷糊。倒掖器。爹着汗。嫖着淚。  
寧波。余有丁。帝京。午日歌。○都人重五女兒節。酒  
蒲角黍榴花辰。金鎖當胸符當髻。衫裙簪朵盈  
盈新。長安街道人人趨。三條九陌無高塵。赤日  
中天萬戶動。櫻藤清道騎宮從。高肩大轎風奔  
馳。五侯七貴相迎送。陌上相迎不相認。絡繹追  
尋海子涓。隱隱朱樓圍翠幃。深深金谷駐香車。

買笑追歡日不足，喧過迴衢喧水曲。踟歸百草  
壽可懸繫出五絲，命可續結縷仍將艾葉懸。祓  
祥却把蘭湯浴，我來戚里列侯家。眩恍疑乘天  
漢槎，畫壁丹樓池砌白。朱魚翠鳥綺疏斜，竟日  
淹留天欲暮。紛紛軒駟紅塵度，公子王孫合沓  
歸。摩肩擊轂忘來路，人生行樂須及時。汨羅之  
人非所爲。

孝感程正揆奠京五日走馬歌○大風掘撥黃塵

起、綠、柳、平、堤、馳、驟、馴、尾、項、提、頓、銀、勒、鳴、徒、兒、騎、  
過、長、安、市、手、挽、咻、嗽、鷹、相、奇、銀、翎、鐵、副、黃、金、鬚、  
鞞、虛、宋、鷗、猛、且、健、一、弓、三、矢、腰、挂、鞞、日、光、塵、影、  
往、返、輕、鼻、頭、出、火、風、生、耳、寒、氣、謾、謾、觀、者、栗、據、  
鞍、下、上、若、注、水、下、馬、顧、盼、息、不、喘、醉、撞、胡、姬、花、  
細、委、聲、聲、拍、板、唱、吳、騷、不、願、金、屋、見、天、子、燕、趙、  
之、上、多、悲、歌、如、爾、行、藏、良、有、以、用、憶、當、季、屠、狗、  
人、今、茲、不、出、焉、已、矣、

景陵鍾惺夏水○清冷不必論所貴在虛明大火  
同時事重陰隔歲情啓藏王政備愆伏帝心平  
冬夏中何物風霜外有情水應無此類雪固讓  
其貞祭非誠爲重浮瓜祇益輕一寒誰所護六  
月儼初成似與暑相得翻嫌秋早生

新昌戴九玄長安不可住○長安不可住五月剽  
交暑日與青蠅居夜與蚤蟲處○長安不可住  
蠍虎多于蠍養鷄食蠍虎不教蠍速沒

漳州黃道周京師物繁蒼蠅爲最愛伸樊棘別成  
小言○何來遽集此相扇爾繁徒赤豆分餘鬼  
皂衣散短儒寒香驅不誠炙熟合羣呼終日煩  
搔洗依阿祇路隅○詎解四方語偏知有醜情  
但看看項項遂彼動營營不復顧人面何須通  
姓名針頭腥氣在狗苟自昆兒○稱文白鳥氏  
守義玄駒家楚服爾何有英聲聊自嘉尋羶從  
人幕選鼻坐高衙拔劍無須怒雨陰歟虎又

山陰徐渭官武門河看洗象○帝京初伏候出  
浴城湍決蕩麤泥落吹噴細雪殘鼻卷荷出水  
牙矯藕穿澗起沒漩洞口崔嵬甃岸端巴蛇吞  
未下澆石浸還乾逐隊旋蹄易呼羣拭背難秣  
芻廝養役泐刷羽林官並是生殊域同來飼一  
闌不爭儔力大共荷主恩寬

福州王繼臯六月九日宣武門外看洗象十韻○  
舞獸蒙恩澤炎蒸湯沐施金吾開衛仗玉殿報

朝儀旗鼓聚池漲，喧闐男女窺。沉浮山起伏，壑  
吸雨紛絲。垂首欣先浴，前踪戀久嬉。驚波魚杳  
杳，遠影燕遲遲。兩岸人如壁，連鑣官共馳。齒妨  
泥內石，身避水中坻。薄鞵馴人意，潑涌伏火時。  
載歸毛骨竦，跪上萬牽卮。

應天孫國枚宣武門看洗象次王元直韻○龍城  
奇捷奏象闕大彌施，暫輟虞廷舞。行騎漢殿儀，  
步驚城堞遠。影向急湍窺，吸浪雲初卷。噴波雨

忽絲洞藏魚勝疾，荷隱雁臣遲。鼓吹荷風，  
旌麾鹿柳浪移，鼻觀羣體具。胎領六季私，  
作籟時噓。秋防濡屨就坻，齒延美玉日，  
皮保偃戈時。洙彼遺黎穢，何應佐漈卮。

信陽何景明七夕○楚客羈魂驚巧夕，燕京風俗  
聞穿針樓臺送暑催，秋扇關塞迎寒起，暮砧海  
內弟兄風雨夢，天涯兒女歲時心，乘槎莫問支  
機石，河漢年年此夜陰。



新昌戴九玄七月十五夜觀河澄○枝枝燃綠木、  
朶朶出紅蓮、波漾明還滅、風吹斷復連、光分皎  
室遍、照合貝宮偏、濁水通禪觀、尼珠滿地圓、○  
室地攢百道、銀樹燭千花、迸白紛疑月、飛紅藉  
散霞、魚龍戲岸曲、鳥鳴噪枝斜、夜半烟光息、河  
流漾淺沙、

長洲顧倕祠竈○燈燈祀竈神、夜市在北隣、通俗  
筵多供、盛盆饌、獨資無傷、愚奏口、乏鼓送飛輪、

燭破他鄉蠟香生寒歲春雪花雲路杏草豆馬  
蹄頰老婦能巫媚僑居莫我嗔

上元謝承舉送神辭○赤烏墮城塵土昏人家火  
急催宵殮庖夫脍吏遞禿速涓塵擁篲當厨門  
張筵布簀舉燈燭送神上天朝帝開黃飴紅餠  
粢鋪案青芻紫椒光堆盆空濛烟雲下車馬恍  
惚霧靄飄蘭蓀使者已飽馬已飼我欲留神神  
不滯星旗雲轡去如風九萬天衢片時至緝裘

赤鳥趨掖庭，稽首帝前備陳事。切須公語毋隱容。迺者降休逆者祟，公廳紛紜爭務繁。私家瑣瑣猶多類，一年一度送神行。記得人間二十四，吁嗟乎。今年歲向事更多，願神開口如懸河。擬俗十二月二十四夜司命君上天白人間事也。

迎神詞○三十六天高幾重，珠宮貝闕金芙蓉。清都上位玉帝子，陛羅將輔排羣龍。呼雷叱霆寶幢擁，躡雲馭氣金輿從。魁罡赫赫豹駢下，米

雪鋒矛隨萬馬，赤脚巨門口吐虹。披髮天游而  
塗，猶八萬浮塵一霎過。來察諸方不平者，二十  
五日季盡時。帝來人間人不知，尋常竊掠乃未  
技。纖毫斗秤真小兒，區區瑣瑣何足較。竇之國  
法性可移，盜權姦手掩日月。僭極雄心欺鼎彝，  
渠魁當殲脇從宥。未覩靈威降神夜，年年此日  
在帝來。渠尚驕張當白晝，方山丈人有一言。便  
欲留神仗神奏，吁嗟乎。近來比屋興咨嗟，請帝

先過民牧衙。擬俗十二月二十五日迎玉帝降  
人間察善惡也

六十四

祠神詞○歲寒庭前燈火光。焚椒蕤火生馨香。  
男吹笙。女擊鼓。置喜請神。神上堂。赤髯大盂。  
捧鮓脯。花磁小罌。斟酒漿。獻供三宿。更三祭。上  
元小儒宣莫章。維神在人。有定分。神若有靈。神  
可問。北里金珠敵累朝。西隣瓊醞連十郡。梁冀  
跋扈漢鼎危。王愷縱橫晉綱紊。若人則那神不

臨、戀、戀、寒、微、顧、如、憤、三、十、六、季、辱、眼、青、追、隨、去  
任、同、忘、形、殷、勤、相、守、感、不、鄙、固、如、金、石、深、鑄、銘、  
癡、愚、自、負、文、章、士、步、月、梯、雲、取、青、紫、星、斗、胸、中  
十、萬、編、烟、雲、筆、下、三、千、紙、暫、從、秋、水、看、芙、蓉、耻  
向、春、風、學、桃、李、滿、城、風、雪、遭、歲、除、儀、物、雜、疎、聊  
以、視、吁、嗟、乎、久、而、不、衰、情、既、真、與、神、白、頭、爲、交  
親、擬、俗、謂、除、夕、祭、窮、鬼、也

宜城丘瑜長安除夕○孤酒辛盤此夜情虛堂無

夢亦三更帝城團鼓迎年急。隨院松盆。燭炭明。  
鵬節坐銷杯正永。春光入望。斗初橫。呼嵩祇切。  
天鷄唱。肅肅千官響。佩聲。○坐憶家筵此獻酬。  
辭季守歲夜。深收。天涯一別。虛萊綵。京國多慚。  
擁蔽裘。偶望街燈。生客緒。況兼風角動。邊愁。陽。  
春到枕。知同候。歸夢梅花。裏水頭。

長洲汪邦柱京師庚午除夕○栢葉那堪苦裏爨。  
羹爐不煖爲心灰。春光五日水。方壯歸思。二更。

夢未來、守歲家筵多旅客。太平街鼓半兒孩。毛  
河堤柳猶僵在、寒對微香煖閣梅。



三忠祠

出崇文門三里，曰大通橋。運河數千里，開七十二。抵橋下閘，不復通矣。大通云者，著有成也。水從昌平白浮村之神山泉過雙塔榆河，會一泓玉泉諸水入城。滙積水潭，餘玉河中出。橋下閘而難之，洶洶洶洶，攫怒則鳴。過灘，貿然，泚泚活活，水乃疾行。疾者去之，緩以洞者取之。吱吱軋軋，林間之枯槁也。倚高城，臨運河，一二園亭而東之，三忠祠祀三

忠漢武侯朱鄂王信國也。祠後濯纓亭，亭卽河之  
 岸。撥船千艘，亭檻艘檣，日與摩拂。河故元通惠河，  
 都水監郭守敬濬者，卽金遼故河也。我成化正德  
 中再疏之，再未就。嘉靖丁亥，御史吳仲請修，修三  
 月告成功。上舟觀之，壓居夾岸二十里，柳垂垂  
 蘸河，清舟上下達。大學士張璠等聯句以聞。  
 上喜，給光祿饌，又分御膳賜焉。萬曆中歲運，二  
 月徂五月，東糧至。去季糧也。夏徂秋，逮乎冬而至。

本季分糧也。十季來，餉用急，漕政漸修，閘河一線無守，東船每花信麥秋時，亭陰閒閒，岸草靜如，出都門，半取水道，送行人，閒者別張家灣，忙者置酒此祠堂，去住各荒率，亭所閱少閒人，對岸鹿園，金華宗故園也。今日藍靛廠下流十里小聖窩，龍湫也。崇禎壬申四月二十一日，大通橋下，有聲如雷，有白物如犬，擁波而馳，至小聖窩而伏。

慶陽李夢陽三忠祠○憶昔漢孔明龍起答三顧

志決竟星隕，嘔血爲軍務。鄂國與信國，屹屹兩  
砥柱。殺身不救國，冤憤水東注。往事勒鍾鼎，新  
朝傳宮帑。慘慘冠劍遺，凜凜生魂聚。翠旌飛羽  
滅，往往鬼神賦。懷嘆各不申，翻然向烟霧。我征  
久奔迫，過此感傷屢。時來肅展謁，繫馬門前樹。  
香臺野蕨生，羅漫蟲蟻蛀。烈士爲吞聲，清風激  
頑懦。

信陽何景明三忠祠○三忠祠在 帝城東檜栢

陰陽沙院風，朝暮衣冠頻下馬。春秋香火一開宮，  
中原涕淚江山遠。異代精靈廟宇同，漢業崩摧如宋業。  
古今南北恨無窮。

東郡錢楷三忠祠○武侯瘁荆益，鄂王班大梁。信國  
成燕市，廟貌各一方。都人告時賢，三忠祀一堂。攘攘  
此送迎，誰歟俎豆光。生平自念恨，得不爲徬徨。嘆息告  
都人，忠邪要久長。一時論黷亂，千古豈茫茫。

順天張國銳三忠祠○三臣事業歸何處，兩代精  
靈入寂寥。各有孤忠回未運，更留大節壯皇  
朝。雲陰殿閣多松檜，花暗河津半蓼蕭。秋水  
季頻欲長，悠然今古恨難消。

永嘉張惠侍 上泛通惠河同官聯句○秋雨城  
南許放舟，清天恩載泳向中流。飛帆捲雨

移乘馬，總輕浪翻風已破鷗。國賦雲來寬帝

額，總壓居櫛比稱皇州。極知景運從今遠，一

清

萬歲千秋此勝遊

總

○日斜典盡此回舟、一

清

光景留連喜泝流、樓臺堤間宿鷺

總

輕帆

破浪未妨鷗、羞將淺薄陪陶謝、黎莫嘆流亡滿

邑州、若得青羊似淮蔡

一清

君臣明日更同遊

總

○雙檣爲棟合維舟

總

上下推移趁穩流、兩

岸棹歌隨鼓吹

一清

一篙波影起鳧鷖、季來遠

思生南國

總

日暮閒心動北州、本是暹暹湖海

客

總

塵蹤剛得此熙遊

一清

○落日秋風好放

舟已過三閘，順安流。思恩沾賜宴，流瓊液，老嫗

忘機，問白鷗。一清

遠餽繇來歸水國，上游是此

重神州。鑿

觀風不是耽盤樂，莫逐季季，兩更遊

志

蒲圻廖道南通，惠河汎舟，分韻得竹字。○靈河之

水從天來，虹光雲影相昭回，金鱗吐涎，翠刺鱗

玉龍天矯，盤燕臺，燕臺刺鎮何年，黃字雷沈形

同此水，神禹玄勳，肇冀州，隨山刊木，流源委，召



公分符啓建封東觀齊魯西秦雍井田疆理世  
綿邈仰止突兀空雲峰漢郡秦藩幾千載河山  
帶礪依然在可憐光景屬金遼源泉浩漸趨瀛  
海元臣守敬乃創謀鐵牛石獸紛蚴蟻七閘三  
津富積蓄風帆霧舫聯漕舟皇明統天逐胡  
虜天爲真人闢茲土玄菟黑齒俱來臣絕域梯  
航舞干羽國家財賦資江南車牛推輓嗟何堪  
直從淮徐達江漢奔濤疊浪迴流潭尚書宋禮

劉大夏後先相望力不暇，恭襄贊畫通神明。或  
爲長堤，或鉅壩，顧茲涇塞歲已深，滄桑變易愁  
人心。憲廟留情議修復，中遭阻格滋陸沉。歲  
逝星流物華暮，烟水迷茫落秋樹。誰人獨抱濟  
川憂，指點遺踪在何處。皇皇巨靈日驅馳，天吳  
九首何譏泥。有開必先自今日，乾樞坤紐中推  
移。聖人總統御龍極，屬精庶政昭玄德。軫念  
蒼生宵旰懷，轉輸賦恐疲供億。東吳御史曰吳

公上言論河心朴忠。天子葵之秉，獨斷內庭。  
外府僉謀同，乃命華山何水部。章程奇鍾縝紛  
聚，經營不日告成功。百萬艫艦集河澚，大通橋  
東湯沐園。乃開憲府繚周垣，亭臺花木倏幽密。  
栢屏羅徑延松門，時維己丑夏五月。祥雲裊裊  
瞻雙闕，偶泛樓船共燕遊。幽踪旅況真超越，薰  
風徐來鳴管絃。綠荷芳草含晴烟，曲水觴流不  
知醉。浴鳧飛鷺爭盤旋，吁嗟古人不可作。古人

先憂還後樂，矧逢海內告災沴，敢謂無心忘民  
瘼，民之瘼矣，君所悲，祁寒暑雨多怨咨，下焉醫  
民上醫國，豈獨漢有吳公祠，誰云大道終難復，  
河水清清洗心月，請看河上吳公柳，他季堪比  
萊公竹。

華亭徐階夏日吳侍御邀遊通惠河○頗憶三江  
遠，源流意若何，水深秋氣切，竹窳雨聲多，熟菓  
當尊落，飛塵旋葉過，柳陰催繫纜，細聽枯樵歌。

○落日舟仍放，微風坐不辭。林歸雲氣沒，花影  
夕陰移。野興勿忙得，清遊醉夢疑。祇應驄馬客，  
堅約後來期。

廣東倫以訓通惠河泛舟○步履沿東郊，草青及  
河。埃我夢江南春，得此風日美。駐烟停午陰，流  
雲泛清泚。輕舸信回風，聊以吾纒洗。

益都陳經通惠河泛舟○神禹疏九河，四海異奔  
赴。茲惟故道存，朝宗復東注。我皇宅下土，襟

帶綿世祚歲久川原堙亂流入徑渡廟堂思遠  
猶巨工戒漕務水若故川靈榜人理舟具東南  
千萬艘飛輓遵舊路遠積萬世賴攸國四方聚  
嗟予匪濟川覽茲良歎譽疇能樹奇勲江東吳  
侍御

二日張亮五日遊通惠河○鷓班宮散 紫宸執  
鷺浴新逢柱史招出郭喜看燕甸草承流鷺見  
浙江潮雲開縱幕即官醉風度青簾暑力消記

取大通橋上月，分明歌吹起層霄。

□□劉日乾泛通惠河○放舟河曲，艤舟河次，臨河登覽，悠然深思，靈源濬發，餘潤遠被，危岸無崩，長菱省費，供儲舟子，唱籌度吏，昔苦飛輓，今踐委積，事固有待，膏公有自，吳下羣才，臺端抗議，假一日勞，垂百世利，倩筆遷史，河渠再志。

南海歐大任三月晦日遊大通橋濯纓亭○良辰指孟飢，傲駕輪兩兩，倉庚豈後時，鷓鴣已成漂。

晴暉暮東照，緒風秋西颺。郊原露蔥蒨，草華薄  
蒼莽。同官夙無期，偶然欣共往。攀林奉翠深，臨  
流濯纓爽。烟波始擊汰，舫艇及新漾。西望桔槔  
亭，儘多漢陰想。津樹引花源，河嶠寫濠上。終當  
謝塵壒，歸窻問吾黨。

公安袁宗道夏日高戶部循卿招飲大通橋○一  
望皆林塘，孤亭臨水際。連轡四五人，一揖易巾  
屐。主人陳尊壘，花下超人吏。兩行檀壘酒，百巡



車行載長艘，路河來。人衣沾草翠，潭影見軒窗。  
游魚啣亭字，散坐捐煩苛。縱談忘忌避，水風醒  
心脾。百罰不成醉，舟行窮幽奧。目境轉奇遠，臨  
涯逼懸流。萬雷擊山墜，對面不聞語。但見口開  
閉，冰柱萬條直。雪巖千片碎，側身奔石間。趾酸  
心病慄，歸臥北窓下。枕邊聞水氣。

公安袁宏道夏初黃無淨邀同項玄池諸友及家  
伯修汎舟大通橋○京師百戲都所少唯舟筏

御水落漕渠，淙淙流一髮。凡目未經先，雖少亦  
奇絕。何況集棠舟，遊遊似吳越。菱蒲得水長，鳧  
鴛避沙熱。朱碧好亭子，稀疎出林樾。雙航無定  
質，隨波作周折。遇樹卽停帆，因風或舟楫。闌水  
高十仞，百斛量瑤屑。駸馬下危坡，疾雷震空碣。  
西門亦有水，寬丈深寸尺。計較今昔遊，居然分  
勝劣。朝日照來騎，歸途見微月。

臨川丘光麟新秋同陳虞部集金剛移舟漕河○

一舟初試水、數里已離城、日晚休羣動、天秋入  
太清、魚知聽岸曲、鵲欲赴河盟、共指青蘋末、風  
于、此、處、生、

荆文通墳

人鬼而千季不泯，不必其天神地祇也，不必仙佛果位中也，猶之人或久而名氏，不必其人，詩文傳者，不必其詩其文也，或數存焉，其精神亦有然矣。荆文通墳，在廣渠門外，北八里莊，南坡上古埠，高四尺，而荆時出，沒其墳，高冠廣衫，道人裝，一童子，攜紗燈隨之，墳百步外一井，荆向井汲，乃返，晝陰晦，日見鬼之能也，見或立半空中，非鬼之能矣。萬

曆初丘太守墳墳其側遂不復見爾地脉哉丘先  
徵發視堅不可乃止也尋夢蒯幘頭朱衣來言主  
身一先輩人尺寸地不見讓耶丘悔之今其子孫  
徵矣讀蒯徹傳說武信淮陰殆任數者及得漢高  
殆任贊者性情樂至殆有道者傳又云蒯說韓不  
川任狂燕市蓋歿而葬此蒯所著雋永八十一篇  
不傳矣而墳傳

順天金鉉過蒯文通墓○舌亦有時宜宜泰不宜

漢君若在七雄，縱橫豈其誕。赤帝子誰乎，大豈  
與爲難。我亦知君才，足能倒治亂。燕令可以生，  
楚猴可以冠。其如火德成，操刀難一斷。千載氣  
未舒，局促爭人昨。

來陽左懋泰，荆文通墓。○廣渠門外三尺土，蓬蒿  
滿地生風雨。冢中有人非鬼神，瓶縮陸陸衣冠。  
古，古人古事安可論。韓侯昔駐齊東門，投手措  
足闢天地。面背易向亡，易存但假爲王帝。何怒。

蹊附何語。怒者寤。兔死有狐狗。遠烹北軍左袒。  
本張顯。韓不負漢。未央宮。不負韓。燕市。狂  
能燕語。動天子。知有道者。非任數。有神有骨。千  
年存顯。現竟不須雲霧。君非不狂。非不死。若有  
憑藉。隱其故。後生欺死。口無能。夢語明明。醒弗  
懼。曷往廣武觀戰場。何人壞得狂生墓。

將臺

洪武元年閏七月左丞相徐達師至通州距城三十里築臺駐軍翌日天霧設伏戰擒其梁王李羅等元主聞報夜開建德門北如上都達兵遂至燕京攻齊化門入執其監國帖木兒不花等今州西土埠高半里廣方半里者所築臺也或曰唐薛仁貴征遼駐軍臺也達因之後成祖靖難而南駐蹕焉嘉靖中都門一道人稱言遇中山王將臺邊



授買力、法、以、授、人、也、其、法、用、意、蓄、氣、周、其、身、處、處、  
運、之、挺、直、立、徹、頂、踵、無、懈、骨、卷、肱、掌、指、稍、曲、兩、足、  
齊、踵、相、去、數、寸、立、定、兩、手、從、上、如、按、物、離、下、或、垂、  
至、地、轉、腕、從、下、托、物、離、上、也、過、其、頂、兩、手、植、別、又、  
舉、物、離、下、而、至、肩、際、轉、腕、掌、向、外、微、拳、之、則、卷、肱、  
立、如、初、過、卷、兩、肱、開、向、後、者、三、欲、令、氣、不、匿、膺、間、  
也、却、舒、右、肱、攬、物、之、欲、右、者、以、左、逮、乎、左、左、之、爪、  
相、向、已、如、將、及、之、則、左、手、撐、而、極、左、右、手、拉、而、却、

右、左、射、引、滿、引、滿、右、肱、卷、如、初、矣、則、舒、左、肱、攔、右、手、揜、左、手、拉、且、滿、以、右、法、左、右、互、者、各、三、之、則、卷、兩、肱、立、如、初、左、手、下、拊、左、外、踝、踝、掌、競、勁、相、切、也、則、以、右、手、腕、推、植、物、使、左、傾、傾、矣、顧、曳、之、使、右、倚、肩、際、如、是、者、三、之、則、右、手、下、以、左、法、左、推、曳、之、以、右、法、者、三、則、卷、兩、肱、立、如、初、平、肱、擻、重、者、舉、之、勢、極、則、拔、蓋、至、乳、傍、而、拳、矣、握、固、腹、左、右、間、不、附、腹、也、高、下、舛、臍、之、輪、則、勞、右、拳、扼、右、肩、傍、一、強、物、至

左足外躡轉腕托上托盡而肱且右植則投而下  
至右肩際拳之反拳據右履眼左右互者各三之  
徐張後兩拳而前交叉指上舉勢極則轉腕舉者  
掌下十指端上也轉者掌上十指端下也又掌上  
拱首項負筐腋以下皆卓焉就其勢倒而左幾左  
足外地以前勢起倒而右左右互者各三之凡人  
倒左者左膝微誦也倒右者右膝微誦也不誦者  
法也乃取鹽湯壯溫者濯右手掌背指濡之平直

右肱橫揮之而燥，則灌至左，揮左燥復右，互者各三之，計揮且數十矣。自走兩肱不復卷矣。廻蹠右足數十，左仍其數，蹠以其踵，或抵之，踏以其趾，或糾之也。則屹立，歛足，舉前舉踵，頓地數十，已而兩足蹲立，相去以尺，廻揮右拳，前擊數十，左如之，廻仰臥，復卷肱如立時然，作振脊欲起者數十，而工竣焉。凡用勢左右，必以其脊俱，凡蓄氣，必迄其工。凡工，日二三，必微飲後，及食後一時行之，時則以

拳徧自捶，母使氣有所不悉。時搯五指頭，搗戶壁  
几案，久而作木石拊聲焉。坐，屈肘上之，屈拳前之，  
臥，必側面，上手拳而杵席，坐臥各因其左右，其左  
皆握固。

榆林王宣過徐中山將臺。○層臺曾此翠華臨，叢  
草猶滋雨露深。八陣龍蛇營朔漠，六軍貔虎簇  
雲林。彭城繫馬興衰跡，沛邑歌風戰守心。餘勇  
賈人人不識，中山英爽在高陰。

黃金臺

黃金臺名。後人擬名也。其地。後人擬地也。史記。昭王爲郭隗。改築宮而師事之。新序。趙主言築宮。不言築臺。後漢孔文舉。謂昭王築臺以延隗。梁任昉。謂臺在幽州。燕王故城中。土人或呼賢士臺。招賢臺。有臺名。無黃金名。李善引上谷郡圖經曰。黃金臺。在易水東南十八里。燕昭王置千金其上。延天下士。水經注云。固安縣有黃金臺遺址。圖經云。

然。如。有。黃。金。臺。名。今。易。州。易。水。邊。二。黃。金。臺。都。城。  
朝。陽。門。外。東。南。又。一。黃。金。臺。三。黃。金。臺。雖。然。皆。上。

三。錫。因。黃。金。臺。○。燕。山。不。改。色。易。水。無。新。聲。誰。知。

數。天。臺。中。有。萬。古。情。區。區。後。世。人。猶。愛。黃。金。名。

黃。金。有。何。物。能。令。賢。重。輕。德。輝。照。九。仞。鳳。鳥。才。

一。鳴。伊。伊。居。鳳。棄。坐。見。饑。鶩。爭。周。道。日。東。漸。二。

志。皆。西。行。養。民。以。致。賢。王。業。自。此。成。黃。金。與。山。

平。不揀兵縱橫。落日下荒臺。山水有餘清。

元陳孚黃金臺。○巍坡十二青雲梯。老樹偃伏猶  
穹圭。長裾已翳星辰去。殘陽空挂盧溝西。召南  
六百季宗社。一日黃金重天下。精經寶氣夜不  
收。又見殘霞明朔野。

元貢師泰黃金臺。○昭王銳志移青社。築土懸金  
未賢者。四方矧似集強燕。千里風塵馳駿馬。郭  
君自舉先羣豪。樂生獨步超凡曹。酬恩一雪霸



國耻建功並倚雲天高。君臣意氣千季少。落日  
荒涼沒秋草。黃金買貴滿長安。惆悵英雄布衣  
老。

安福鄒緝黃金臺晚望。○高臺百尺倚都城。斜日  
蒼茫弄晚晴。千里山川同望迥。萬家樓閣入空  
明。黃金尚想招賢意。白髮難勝慨古情。看盡翻  
翩歸鳥沒。古原秋草暮雲平。

新塗金幼夜秋。上黃金臺。○迢遞高臺近日邊。偶

來登覽尚依然，萬家禾黍秋風外。  
十里旌旗落照前，遠郭砧聲生杳杳。  
平原車騎去翩翩，黃金漫說能招士。  
千載猶傳郭隗賢。

永豐曾築黃金臺。○昭王此處有高臺。  
落日城邊霽景開，尚想百金求駿骨。  
終知千里得龍媒。樹連平野烟光合。  
鳥帶遙空暮色迴。總謂招賢從隗始。  
只今惟數樂生才。

莆田林環暮過黃金臺。○高臺曾此置黃金。  
人去

臺空碧草深、落日未窮千里望、青山遙映半城陰、  
鴈、將、秋、色、來、平、野、鴉、帶、寒、光、過、遠、林、昭、代、賢、  
才、登、用、盡、不、須、懷、古、動、長、吟、

戲贈王洪黃金臺懷古○山色微茫映古臺、平原  
千里夕陽開、誰知碧草遺基在、曾見黃金國士  
來、樹、繞、河、流、天、外、去、鳥、翻、雲、影、日、邊、回、清、時、自  
重、非、熊、叟、不、獨、奇、謀、得、俊、才、

金谿王英登黃金臺○獨上高臺望古城、暮天風

景尚含情數。峯殘照雲將掩。幾樹閒花鳥自鳴。  
玉帛已看今日會。黃金宜記舊時名。願歌周雅  
思皇詠。多士衣冠盛銷京。

無錫王叔經黃金臺○黃金此地曾延士。極目平  
川夕照斜。木繞易城流。霸業田連督。尤屬農家。  
蒼茫暝色烟中樹。縹緲晴光雨外霞。千古荒臺  
遺舊址。西風殘柳集寒鴉。

金州蔣冕驅馬黃金臺○客從江南來。驅馬黃金

空傷哉臺下青青草。一夜西風變枯槁。壯士悲歌易水傍。防身有劍飛秋霜。此心誓掃豺狼跡。草間狐兔誰能覓。

泗州郭武過黃金臺○荒臺空寂寞。曾此貯黃金。父老逢人說。君王待士深。登臨一回首。感激百季心。歸去重城晚。萋萋草色陰。

潮縣岳正燕臺懷古○督亢陂荒蔓草深。廣陵宮廢故城平。秋風易水人何在。午夜盧溝月自明。

召伯封疆經幾換。荆卿事業尚虛名。黃金不置  
高臺上。似怪季來士價輕。

順德張秦金臺古意。燕昭昔好士。高築黃金臺。  
卑身事郭隗。賢路從茲開。豈不得辛衍樂毅。乃  
雄才。感激東破齊。呼吸成風雷。信義傾諸侯。其  
如惠王猜。齊趙失神駿。委師在駑駘。兵燹火牛  
下。猶耻除復來。荒哉築臺意。長使後人哀。

河東何東序黃金臺。最憶燕昭日。寒將易水回。

賢王不復起，此地尚高臺。百尺凌霄漢，千秋蔓草萊。賓門如有待，翹館詎無才。白壁常傾士，黃金故作媒。幾知魚水際，一德頌休哉。

古唐劉乾登黃金臺歌。黃金臺上西日明，黃金臺下燐火青。白虹直貫荆軻墓，芳草渾生郭隗營。燕山黛紫餘王氣，易水喑鳴流恨聲。七雄已銷，莽烟合。半戰時出春田耕，酒醒風起臺上下。來爲我吹歌不平。

儀封王廷相黃金臺○興邦良有激好賢輕千金  
破齊如反掌圖報一何深二號乃不下三測平  
生心白壁易爲毀喟然傷古今

武進唐順之金臺行○七雄割據勢欲均得士者  
富失士貧燕昭昭信義乎日月不惜千金買駿骨  
郭隗談笑發深謀劇辛鄒衍就馳突士中樂殺  
季數竒按劍魏邦人豈知一朝遇主同心腹君  
王親爲推車轂指揮燕兵百餘萬蹴踏齊城七



十六六合于今無并吞寂寞古臺空復在

臨胸馮琦燕臺懷古○駿骨何季事黃金上此臺  
燕陵空北望易水自東來百單賢人聚千秋伯  
業開如何別壯士獨奏羽聲哀

池陽方新黃金臺○朝涉白澗水暮登黃金臺  
仰古遺烈怒焉傷中懷所懷者誰子樂毅名世  
村旬月下強齊昔墨詎不摧志惟存仁義緩征  
致其來山令飛鈔掠表虜恤民災庶幾王者師

一舉平九域，胡爲後王愚。聰譏生疑猜，大功弗克就。至今有餘哀。

江寧焦竑黃金臺懷古○昭王遺跡半蒿萊，尚有  
凌空百尺臺。駿馬已隨雲滅沒，霜囿惟與水滌  
涸。天長草樹層霄接，地迥風烟大漠開。致士無  
能思詔始，黃金慚負入燕才。

遂安方逢季黃金臺○蒼蒼日下寒雲平，荒荒古  
臺依帝京。黃金待士若招士，士與黃金同重輕。

招卽來、揮卽棄、亡城七十存城二、摧膝比者何人歟、澹泊生乎死、盡葬古之往來、別有在、去就意深茫如海、臺高難盡管樂心、古人莫以今人待。

公安袁中道金臺○蕭條幾戶冷炊烟、凍浦流水索索然、十載築臺親禮士、如何止得一人賢。

嘉善曹勳金臺行○西趨咸陽東碣石、三寸縱橫走七國、得十須得天下士、矜重恥言價五百、高

臺日照黃金色，龍雲相期飛無翼。死後猶當勝  
生，驚忍使神駒長伏櫪。但能相皮不相骨，于金  
未敢輕一擲。官街十字車輪多，飛鴻不落紅塵  
弋。稷下空譚秦逐客，易水風寒歌不得。黃金臺  
高空冀北。

金壇張明弼燕臺懷古○貂敝風高客奈何。燕昭  
往矣，叔安河。天連大漠寒雲遠，地接平沙衰草  
多。駿馬有魂依郭隗，酒徒無曲和荆軻。於今最

賤絰橫士莫倚荒臺發浩歌

歸安茅元儀黃金臺行○寒臺古樹蒙茸老秋烟  
一縷祭秋鳥黃金千載磨爲塵兩生姓名惡不  
了燕山崔易水渺黃金臺蔓荒荒草昭王自是  
小諸侯不見羣公歌天保

桐城方文黃金臺○督亢阪過易水傍荒臺誰說  
是昭王不知芳草誰爲主但見高丘不敢忘入  
塞孤鴻連朔氣隔河游子展清商只今燕市多

名馬貫酒何人典駟騶